

***Javna ustanova Srednja ugostiteljsko-turistička škola
Public institution Secondary school of hospitality and tourism***

Na temelju odredbi člana 137. stav (1) Zakona o srednjem obrazovanju ("Službene novine Kantona Sarajevo", broj: 23/17; 30/19; 33/21), te na osnovu odredbi članova 47., 48. i 49. Zakona o radu FBiH, i članova 116., 117., 118. i 119. Kolektivnog ugovora za djelatnost srednjeg obrazovanja u Kantonu Sarajevo, te članova 53., 54., 55., 56., 57., 58. i 59. Pravilnika o radu Javne ustanove Srednja ugostiteljsko-turistička škola Sarajevo i člana 128. Pravila Škole, a na osnovu prijedloga direktora Škole, uz konsultacije sa Sindikalnom podružnicom Škole, Školski odbor je na LXXIV sjednici održanoj 19.04.2022. godine, jednoglasno utvrdio

**PLAN KORIŠTENJA GODIŠNJIH ODMORA RADNIKA
JAVNE USTANOVE SREDNJA UGOSTITELJSKO-TURISTIČKA ŠKOLA SARAJEVO
ZA 2022. GODINU**

I - Nastavno osoblje i stručni saradnici u odgojno-obrazovnom i psiho-socijalnom razvoju učenika će godišnji odmor za 2022. godinu koristiti za vrijeme ljetnog raspusta učenika u periodu od 01.07. do 19.08.2022. godine, u trajanju od 36 radnih dana po Kolektivnom ugovoru za djelatnost srednjeg obrazovanja KS.

II – Rukovodno osoblje, saradnici na pravnim i ekonomskim poslovima, administrativno i tehničko osoblje će godišnji odmor za 2022. godinu koristiti u periodu od 13.06.2022. godine do 31.08.2022. godine, za vrijeme ljetnog raspusta učenika, odnosno dio godišnjeg odmora mogu koristiti u drugo vrijeme, zavisno od potreba i prirode posla koji obavljaju u skladu sa brojem radnih dana godišnjeg odmora na koje imaju pravo po Zakonu o radu FBiH i Kolektivnom ugovoru za djelatnost srednjeg obrazovanja KS, a najviše ukupno 36 radnih dana, tako da prvi dio godišnjeg odmora koriste bez prekida u trajanju od najmanje 12 radnih dana u toku kalendarske godine, a drugi dio u skladu sa Zakonom o radu FBiH i Kolektivnim ugovorom.

III - Radnik može ostaviti i koristiti dva dana godišnjeg odmora onda kada mu odgovara, uz prethodnu najavu poslodavcu najmanje tri dana ranije, ako to ne remeti odvijanje procesa rada Škole, o čemu će se pojedinačno izjasniti pisanim putem.

IV – U dane godišnjeg odmora ne računaju se praznici, dani vikenda i dani privremene nesposobnosti za rad, a kada je u toku godišnjeg odmora vjerski praznik koji radnik neće koristiti jer će naknadno koristiti dan drugog praznika, o tome će se izjasniti pisanim putem.

V - Po osnovu Zakona o pravima demobilisanih boraca i članova njihovih porodica radnici imaju pravo na dodatna do 3 dana godišnjeg odmora, o čijem korištenju će se izjasniti pisanim putem.

VI - Radnicima Javne ustanove Srednja ugostiteljsko-turistička škola Sarajevo, izdat će se pojedinačna rješenja o korištenju godišnjeg odmora za 2022. godinu.

PREDSJEDNIK ŠKOLSKOG ODBORA

Mirza Ramić, mr.sci.

Odluku dostaviti: 1. Oglasna ploča 2x; 2. Arhiva.